

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 240. An consensus ille sit sufficienter expressus per verba: volo
emere, volo vendere, aut etiam per hoc, quod precedente promissione
vendendi, res accepto pretio tradatur.

[urn:nbn:de:hbz:466:1-73957](#)

& solutio, quæ sequitur hunc contractum emptionis & venditionis jam in esse constitutum, l. 2. §. 1. ff. b. t. Lauterb. loc. cit. & ad ejus nativitatem non spectat, pertinet tamen ad ejus integratatem completam seu complementum. Less. l. 1. c. 21. du. 1. Pirk. n. 1. & sine ea non transfertur actu dominium, sed solum manet translatius dominii, quamdiu actu non traditur res, aut solvit premium, vel loco illius datur æquivalens. V. g. pignus vel arrha, vel fidejussor; ut Pirk. loc. num. 1. cum Tambur. l. 8. in decalog. tr. 3. c. 7. §. 1. num. 2. Quamvis tamen etiam quandoque transferatur dominium sine reali traditione, in iis nimis casibus, in quibus juris fictione res tradita censeretur absque reali apprehensione possessionis; cuius exempla habentur L. qua ratione, §. interdum. Inf. de rer. divisione. L. quod uno. ff. de acquir. posses. Quin etiam quandoque per accidentem impeditur fieri translatio dominii per traditionem. V. g. quia res aliena vendita est. Pirk. loc. cit. Licet autem ante oblationem pretii emptori nascatur actio, ante illam tamen nulla est illius efficacia aut exercitium, seu efficaciter in judicium deduci nequit, sed semper excipiendo elidi potest. Nam qui differt, quod ex contractu ultro citroque obligatorio debet, (uti ex contractu emptionis emptor debet solutionem pretii) is, quod ipsi debetur, petere efficaciter non potest. Lauterb. loc. cit. §. 8. Wieschn. b. t. n. 8. citans Gail. l. 2. obs. 17. Brunnem. in L. Julianus. ff. de contrah. empt.

Quæst. 240. An consensus ille sufficienter sit expressus per verba: *volo emere*, *volo vendere*; aut etiam per hoc, quod precedente promissione vendendi, res accepto pretio tradatur?

1. Resp. ad primum: Non convenire in hoc satis AA. negant enim aliqui cum Mozzio de empt. col. 3. num. 4. per dicta verba satis exprimi consensum absolutum & actualem; eo quod emere & vendere plus sit, quam velle emere, quemadmodum plus est ascendere in arborem, emittere professionem, quam velle ascendere, velle profiteri. E contra non ita strictè spectata verborum illorum significacione, sed usu communi & attentis circumstantiis, satis exinde presumari consensum absolutum, qui emptionem & venditionem constituit actu existere, non secus, ac dum sponsus & sponsa coram parocho, ac eo interrogati, an volunt se mutuo in conjuges habere, dicunt: volamus: consensus matrimonialis per verba de presente expressus censeretur, tenent cum Acur. in L. vendensis. C. de contrah. empt. Haunold. Tom. 4. de 7. & 7. tr. 8. n. 3. Wieschn. b. t. n. 17. Muller. b. t. tb. 5. lit. C. Quod autem ascendere plus sit quam velle ascendere, inde est, quod ascendere sit actio externa, qua sola voluntatis declaratione, uti emptio, perfici nequit. Quod velle profiteri non sit profiteri, inde est, quod professio religiosa præter voluntatem exposcat necessariò certam formam & solennitates, constitutionibus religionis aut moribus inducetas, à quibus præscindendo & absolute loquendo, censi quoque per talia verba: *volo profiteri* seu *vovere* censi posse emissam professionem, ait Wieschner.

2. Resp. ad secundum: Etiam consensum di-
ctum sufficienter declarari, & sic actu contrahendere venditionem, dum quis prius vendere promisit, dein recepto pretio rem tradit. Socin. l. 2. conf. 17.

Fachin. controv. l. 2. c. 5. §. ego. Raht. de contrah. empt. th. 7. num. 8. Haunold. loc. cit. n. 24. quos citat & sequitur Wieschn. n. 18. Quod ipsum quotidianus usus confirmat, dum à pistoribus panis certum premium habens emitur, deponendo premium & accipiendo panem, & nullo verbo dicto, abeundo, qualiter veram emptionem contrahi, nemmo dubitat.

Quæst. 241. Qualis esse debeat dictus consensus?

1. Resp. Præterquam quod debeat esse mutuus & simultaneus, debet esse primò verus, non simulatus, aliás emptio dicitur imaginaria, & non facta habetur, l. 59. & 55. ff. b. t. nec magis nomen contractus meretur, quam homo mortuus nomen hominis, nullisque clausulis aliás salutari bus valida redditur; cum quoties contractus probatur simulatus, constet quoque omnes clausulas esse simulatas. Arg. l. 18. ff. de jur. codicilli. Faber in Cod. tit. 17. defens. 6. Lauterb. b. t. §. 116. & sic etiam, dum emptio simulatur, & sub ejus specie aliud negotium geritur, vocatur contractus fictitious vel simulatus ab uno ad aliud, illudque, quod simulato geritur, scilicet emptio, pro non facto habetur, l. 36. & 38. ff. & l. 3. C. b. t. Lauterb. §. 117. Faber. loc. cit. defens. 3. Quamvis, ut idem, illud, quod sub specie hujusmodi emptionis agitur, eandem vim & effectum habeat, quam haberet, si aperte fieret, l. 3. & 9. C. b. t. Ipsa vero simulatio, cum non presumatur, ab allegante probanda, nimis per conjecturas & presumptiones; cum sit difficillima probationis. V. g. ex patetis & clausulis insolitis. Faber. loc. cit. num. 6. Lauterb. §. 118. quandiu autem non probatur, standum contractui & instrumento, & pro iis presumendum, quamvis multum in hoc relinquendum Judici arbitrandum ex personarum, rerum ac temporum varietate, ut idem.

2. Secundò debet esse consensus perspicuus, hoc est, manifestatus verbis aut signis claris, non ambiguis, hoc est, qua pluribus modis intelligi possunt, & non obscuris, hoc est, qua nullo modo facilè intelligi possunt; qua tamen ambiguitas & obscuritas non statim reddit actum nullum, pro cuius potius valore quam nullitate est presumptio, l. 12. ff. de rebus dub. ac proinde, si aliunde de mente & voluntate contrahentium constet, illud, quod actum potius, quam quod dictum, est attendendum juxta illud, l. 6. ff. b. t. in emptis & venditis potius id, quod actum, quam quod dictum, secundum: quo non apparente, ubi verba clara sunt, iis tanquam animi characteribus inherendum. Quin etiam ambigua vel obscura interpretationem recipiunt vel ex astecephentibus vel ex consequentibus, maximè ex contractus initio & illius natura, cui se conformare voluisse in dubio presumuntur contrahentes; uti etiam ex consuetudine loci vel persona; ita ferè Lauterb. §. 119. singula hæc textibus juris stabiliens. Quod si vero ex his & aliis obscuritas tolli nequit, faciendam esse interpretationem contra illum, qui verba obscura & ambigua protulit, aut scripturam formavit, cuiusque in potestate fuit legem contractus apertiū dicere vel scribere, tanquam probabilius tenent. Lauterb. §. 120. Muller. ad Struv. in ff. tit. de contrah. empt. tb. 2. lit. d.

3. Tertiò debet esse liber qualis quia non est in furioso seu carente usu rationis, emptio & venditio à tali facta est nulla, l. 2. C. de contrah. empt. quali-